



**Broj: 02-50-1-16-15/08  
Sarajevo: 9.4.2008. godine**

**BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM**

**PREDMET: Obavještenje**

Dom naroda Parlamentarne skupštine Bosne i Hercegovine, na 15. sjednici, održanoj 7.4.2008., razmatrao je sljedeće:

1. Prijedlog zakona o izmjenama i dopunama Zakon o upotrebi i zaštiti naziva Bosne i Hercegovine, (drugo čitanje), predlagač: Vijeće ministara BiH
2. Prijedlog okvirnog zakona o zaštiti i spašavanju ljudi i materijalnih dobara od prirodnih ili drugih nesreća u BiH, (prvo čitanje), predlagač: Vijeće ministara BiH;
3. Prijedlog zakona o izmjenama i dopunama Zakona o krivičnom postupku BiH, (prvo čitanje), predlagač: Vijeće ministara BiH;
4. Prijedlog Zakona o izmjenama i dopunama Zakona o osnovama sigurnosti saobraćaja na putevima Bosne i Hercegovine, (prvo čitanje), predlagač: Predstavnički dom;
5. Izvještaj Zajedničke komisije za usaglašavanje teksta o Prijedlogu zakona o izmjenama i dopunama Zakona o putnim ispravama BiH;
6. Izvještaj o usaglašavanju teksta Zaključka o osnivanju Privremene zajedničke komisije za utvrđivanje stare devizne štednje građana BiH položene na račun domicilnih banaka i filijala u BiH;
7. Odluka Predsjedništva BiH o utvrđivanju kandidata na generalske položaje u Oružanim snagama Bosne i Hercegovine (broj: 01,02-03-110/08 od 23. 1. 2008), radi potvrđivanja;
8. Izvještaj o radu Državne regulatorne komisije za električnu energiju u 2007. godini;
9. Davanje saglasnosti za ratifikaciju Sporazuma između Vijeća ministara BiH i vlada ostalih zemalja učesnica SEECP-a, Misije privremene uprave Ujedinjenih naroda na Kosovu, u ime Kosova, u skladu s Rezolucijom Vijeća sigurnosti UN-a broj 1244 o aranžmanima zemlje domaćina za Sekretarijat Vijeća za regionalnu saradnju;
10. Davanje saglasnosti za ratifikaciju Sporazuma između Vijeća ministara BiH i Vlade Republike Mađarske o uspostavljanju Okvirnog programa za finansijsku saradnju;
11. Davanje saglasnosti za ratifikaciju Druge izmjene i dopune Sporazuma o kreditu i finansiranju od 23. novembra 2004. godine, između Bosne i Hercegovine, Federacije Bosne i Hercegovine, Republike Srpske i Kreditanstalt für Wiederaufbau – Frankfurt na Majni „KfW“ – Sanacija gradskih vodovoda i kanalizacijskih sistema u Bosni i Hercegovini;
12. Prijedlog odluke o izmjeni Odluke o izboru članova Zajedničkih komisija oba doma Parlamentarne skupštine BiH.

**Ad. 1.**

Dom naroda jednoglasno je usvojio Zakon o izmjenama i dopunama Zakon o upotrebi i zaštiti naziva Bosne i Hercegovine u predloženom tekstu.

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za postizanja sporazuma o identičnom tekstu Zakona:

Zoran Koprivica,  
Ivo Miro Jović i  
Hazim Rančić

**Ad. 2.**

Dom naroda jednoglasno je usvojio u prvom čitanju Prijedlog okvirnog zakona o zaštiti i spašavanju ljudi i materijalnih dobara od prirodnih ili drugih nesreća u BiH.

**Ad. 3.**

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o krivičnom postupku BiH.

Dom naroda takođe je usvojio zaključak da se održi javna rasprava o Prijedlogu zakona o izmjenama i dopunama Zakona o krivičnom postupku BiH.

**Ad. 4.**

Dom naroda većinom glasova usvojio je Izvještaj nadležne komisije koja **nije** prihvatila principe Prijedloga Zakona o izmjenama i dopunama Zakona o osnovama sigurnosti saobraćaja na putevima Bosne i Hercegovine čiji je predlagач Predstavnički dom, te samim tim je Prijedlog zakona odbijen.

**Ad. 5.**

Dom naroda jednoglasno je usvojio Izvještaj Zajedničke komisije za usaglašavanje teksta Zakona o izmjenama i dopunama Zakona o putnim ispravama Bosne i Hercegovine.

**Ad. 6.**

Dom naroda većinom glasova je usvojio Izvještaj o usaglašavanju teksta Zaključka o osnivanju Privremene zajedničke komisije za utvrđivanje stare devizne štednje građana BiH položene na račun domicilnih banaka i filijala u BiH.

**Ad. 7.**

Dom naroda jednoglasno je potvrdio Odluku Predsjedništva BiH o utvrđivanju Kandidata za generalske pozicije u Oružanim snagama Bosne i Hercegovine (broj: 01,02-03-110/08, od 23.1.2008.) u predloženom tekstu.

**Ad. 8.**

Dom naroda jednoglasno je usvojio Izvještaj o radu Državne regulatorne komisije za električnu energiju u 2007. godini sa sljedećim zaključkom:

„Dom naroda Parlamentarne skupštine BiH traži od Vijeća ministara BiH da ubrza proceduru imenovanja članova Državne regulatorne komisije za električnu energiju kojim je istekao mandat, kako bi ista radila punim kapacitetom“.

**Ad. 9, 10. i 11.**

Dom naroda jednoglasno je dao saglasnost za ratifikaciju sporazuma iz ovih tačaka dnevnog reda.

**Ad. 12.**

Dom naroda jednoglasno je prihvatio ostavku dr. Mladena Ivanića na članstvo u Zajedničkoj sigurnosno obavještajnoj komisiji za nadzor nad radom Obavještajno-sigurnosne agencije BiH, te donio odluku da se Drago Ljubičić imenuje za člana u Zajedničkoj sigurnosno obavještajnoj komisiji za nadzor nad radom Obavještajno-sigurnosne agencije BiH.

S poštovanjem,

**PREDSJEDAVAJUĆI**  
**DOMA NARODA**  
Sulejman Tihić, dipl. iur.